

重修棗陽縣志卷之十

詩

北眺春陵

唐 駱賓王

摠轡疲宵邁驅馬倦晨興既出封泥谷還過避雨陵山行明
照上谿宿密雲蒸登高徒欲賦詞殫獨撫膺

贈從兄襄陽少府皓

李白

結髮未識事所交盡英雄卻秦不受賞救趙甯為功託身白
刃裏殺人紅塵中當朝揖高義舉世欽英風小節豈足言退
畊春陵東歸來無產業生事如轉蓬一朝狐裘敝百鎰黃金

重修棗陽縣志

卷之十

詩

一

空彈劍徒激昂出門悲路窮吾兄青雲士然諾聞諸公所以
陳片言片言貴情通棣華倘不接甘與秋草同

遊南陽白水登石激作

朝涉白水源暫與俗人疎島嶼佳境色江天涵清虛目送去
海雲心閒游川魚長歌盡落日乘月歸田廬

夕次蔡陽館

孟浩然

日暮馬行疾城荒人住稀聽歌知近楚投館忽如歸魯堰田
疇廣章陵氣象微明朝拜家慶須著老萊衣

廣昌館

韓愈

白水龍飛已幾春
偶逢遺跡問耕人
邱墳發掘當官道
何處南陽有近親

赴章陵酬李卿贈別

錢起

一官叨下秩
九棘謝知音
芳草文園路
春愁滿別心

罷章陵令山居過中峯道者

邱壑趣如此
暮年始棲偃
賴遇無心雲
不笑歸來晚
鳴鳩拂紅枝
初服傍清畎
昨日山僧來
猶嫌嘉遯淺
託君紫陽家
路滅心更遠
梯雲創共居
抱犢上絕巘
杏田溪一曲
霞境峯屢轉
跂石挂飛泉
謝公應在眼
願言攜手去
採藥長不返

重修棗陽縣志

卷之十

詩

二

春陵懷古

宋宋庠

鬱鬱春陵舊帝家
黍離千古此興嗟
蕭王此日爲天子
莫說金吾與麗華

上唐遺壤亘荒途
白水煙消拱木枯
陌上停驂聊借問
帝鄉今有舊親無

義井

米芾

風迴寂不波
無風性逾定
激清太古泉
俯瞰寒人影
征途渴火雲
取汲藉修綆

九十九岡歌

邢居實

春仲賦南征歲暮復北走歧路劇羊腸重岡九十九馬瘦須
著鞭袖短難藏手與君從此別把袂倚垂柳

胡烈婦歌

元楊維禎

夫從軍妾從主夢魂猶痛刀箭瘢况乃全軀飼豺虎拔劍誓
天天爲怒眼中於菟小如鼠百年虎鬼冤魂語精光夜貫新
阡土可憐三世不復仇泰山之婦何足數

岑彭墓

英雄特立漢時功今古人稱將士風千載清名文史裏一抔
黃壤草煙中巍巍事業匡明主濟濟衣冠付畫工過客不堪

重修棗陽縣志

卷之十

詩

三

回首處夕陽老樹照殘紅

唐子山

明張三丰

白石磷磷繞澗泉蒼松鬱鬱鎖寒烟碧桃花發朱英秀別是
人間一洞天

胡烈婦歌

楊基

渤海有婦人厥姓爲胡氏從夫戍棗陽黃昏宿水滋跳梁猛
虎來齧夫如菑翳彼婦突驚起不暇自爲計直前執虎足盡
力與牽制呼兒抽佩刀刺虎虎立斃大義凜春秋復讐古所
貴嗚呼流俗敝仁義日以廢婦不夫其夫臣子競爲利患難

圖苟免聞此得無愧

前題

王應辰

沙河岸邊秋草白
棗陽城頭落日黑
老兵辛苦踐更來
林下挽車聊一宿
黃蘆颯颯中夜鳴
俛鬼叫嘯悲風生
虎饑得人怒不置
徒手擊搏危相爭
直前死力扯虎足
手先進刀屠虎腹
但知有夫豈知虎
視之何如几上肉
當時一擊甯顧軀
驚魂碎骨仍攜扶
九泉瞑目已無憾
舊血慘澣身上襦
千古節義傳鄉閭
我猶胆怯見畫圖
健婦果勝一丈夫

斫虎

胡纘宗

重修棗陽縣志

卷之十 詩

四

曉登漁洋程夜宿沙河浦
驚見虎啣夫唾手奮吾武
夫兮婦所天家兮夫爲主
我生知有夫甯復知有虎
提戈日可揮虎猛期必拄
呼兒疾付刀極力斫若股
虎蹶婦得夫虎口手能取
縣司表勅旨 婦道名今古

清涼寺小憩歌

李一龍

憶昔初夏愆雨暘火雲烈烈
朱鳥翔我視民瘼不敢康
起祈甘雨敷農桑天瓢一瀉下
大荒滌除酷烈回清涼
驅車出郭止道傍
東阡西陌齊蒔秧
農人擊鼓聲其鏗
舞蹈雀躍如跳梁
清時忝竊身爲郎
幸無苛政爲民殃
公餘縱步遨僧房
清

風雨腋懷羲皇安得四時均元陽坐令斯世歌虞唐

過潒源寺

尚冕

乘興遊山寺微涼雨乍過鐘聲穿疊嶂鳥語隔煙蘿客至烹
雷焚僧間寫貝多禪堂清話久時聽採樵歌

虎岡夕照

劉觀

一拳怪石虎蹲形雨洗苔痕儼若生山脊尙畱光閃爍岡頭
獨踞影縱橫試看歸鳥投林遶擬聽靈禽應瑞鳴我欲登臨
窮遠眺挽畱安得繫長繩

羊堰秋波

重修棗陽縣志

卷之十 詩

五

石羊隱約臥芳陂素練澄澄繞四圍白日遊魚潭底現黃昏
歸鳥鏡中飛芙蓉花老含香冷楊柳條疎倒影微有客濯纓
過此地忘機鷗鳥自相依

椒山梵宇

古殿巍峩聳碧岑石壇松老鶴偏尋涼生禪榻當窗竹光射
維摩布地金塔上鈴敲終古韻鉢中蓮漏六時心我來瞻眺
徘徊久鳥解畱人好作音

花縣譙樓

平地樓高百尺多闌干十二繞簷阿山峯獻翠四圍拱鐘鼓

持更午夜過勢壓瑤臺光日月高凌碧漢近星河壯哉更築
金城固萬姓瞻依樂太和

椒山寺

簡尚默

堆煙聳翠接青穹梵刹巍峩碧落中綠樹遠屯門外嶺白雲
深鎖洞邊松凌霄古塔棲遼鶴跨水長橋臥海虹覽盡禪關
多雅趣此山勢壓峴山雄

椒山

項 項

西南名刹記襄陽龍象爭傳古道場春雨瀆深堦蘚合炎風
晴拂野椒香陰凝白晝羣峯逼響入清宵一澗長撲面紅塵

重修棗陽縣志

卷之十

詩

六

名利客那能來此共繩牀

天封山

山雲勃勃擁驚濤淮水湯湯浸巨鼇極目下觀千萬里扶桑
依約見蟠桃

過寺莊

張廷諫

驄馬長安道秋風度棗陽可憐負鼎客相遇接輿狂劍舞魚
腸古茶烹雀舌香真人鍾秀地應有臥龍岡

客星井

翩翩釣臺翁敝屣棄利祿煙波七里瀨風月一竿竹平生誰

知已大度劉文叔旁求徧天下三聘乃肯出同臥有故人時
以足加腹上應天象垂下應太史卜

經光武帝故居

伍希儒

紅旆凌風上古臺碧雲黃霧一時開已聞白水真人遠卻喚
青州從事來許國有心慚未補憂民無策恨非才山花簷鳥
知人意也向幽岩避世猜

送袁光甫致仕歸棗陽

馬理

華山陰商山陰兩見袁安鳴一琴山鬼渾知心似渭岳神亦
笑囊無金攜琴歸向鄉園去四皓低徊怨別深

重修棗陽縣志

卷之十

詩

七

送袁商州廷英歸隱棗陽

黃卷

解組投簪早見幾故鄉歸去正春輝峴山花柳添新色白水
魚鰕勝舊肥五馬豈能畱宿駕一錢強爲結征衣秦關尙滯
同來客惆悵東風未得歸

送管明府勛登先生擢廣州

袁宗伯

佐政羊城去蒼生擁道遮民皆失所怙公亦視如家屋落千
村月鶯啼一縣花桐鄉多少淚痛洒向天涯

續蟬吟遺稿

袁奐

續蟬吟遺稿邑人袁子煥詩也袁子才學重一時所

著二陟堂文集已錄十四首刊入藝文志矣續蟬吟
多往來贈答之詞不皆關乎本邑而才大遇艱卽事
抒懷可想見其梗概且鈔傳之冊亦恐歷久就湮也
因並載之

樊城送吳御六歸汴

明珠分佩漢江頭
拉手江橋問酒籌
墮淚偷看叔子褐
聯吟誰上仲宣樓
音書寄我同胡雁
風雨愁人喚鷓鴣
梁苑隋隄休買醉
高狂莫典鸕鷀裘

同吳賀蘭往鹿門訪蔡玉虹山亭

重修襄陽縣志

卷之十

詩

八

冷然清淺鹿門坡
爲送春歸許放歌
一帶西山秋雨色
幾家南浦舊漁蓑
停橈問道茅亭小
策杖穿林曲徑多
數載江風攜兩袖
畱人其奈白雲何

龐公洞

曾夢龐公許結鄰
而今扶杖又披榛
岩花過雨香吹袖
洞草經春綠照人
迴磴雲封山鬼嘯
危巒泉瀑石靈嗔
遙憐當日躬耕處
爲甚避劉如避秦

遊鹿門歸祝李尉子於會仙亭

雲臥鹿門愛好秋
因君復作市城遊
家聲舊壓岑參里
才思

新登王粲樓山菜何須麟作脯濁醪曾以玉爲甌丹楓黃菊
無邊盡指點羣山在上頭

初春入都畱別山中友人

一杖村居事事慵治平未兆恥明農春光處處爭深淺柳色
年年自淡濃風暖無端青四野雪殘有意白千峯誅茅布置
煙霞裏會欲投簪學臥龍

湖上秋興

幾年魂落玉鈎斜拾得金釵貯水涯閱史停時琴一弄罵人
快處鼓三槌看來邗水家家月選盡迷樓樹樹花好謝良朋
重修棗陽縣志

卷之十 詩

九

堅晚約一園生事邵平瓜

衡陽雨嘆

半龕佛火萬峯雲層密濃陰且未分春色想當肥四野天心
豈欲洗三軍依人計短因囊澀旋里情癡但夢勤細草寒花
禁不得虎狼蹠跡亂紛紛

憶彭禹峯吉太邱及友人程伯達俱官滇南

平生鼻不任人牽寥落依荆絕可憐冠帶難干彭澤米金裘
易換洛陽田客中此日真炊桂湖上何人更採蓮爲謝貧閨
穿眼望韋家無復夜飛蟬

思峴山別業

鹿門形勝接荆門一曲清江抱故園朱閣青樓冠蓋里綠雲
紅樹木香村浮名往事鴻雷爪浪跡空天兔快躡西眺萬山
回白首鳳林落日舊銷魂

舉子

孤虛不信有前因協夢熊羆降嶽神萬事敢云今日足一絲
實係百年身胸中跨竈承先志意外充閭賀比鄰寄謝衡山
諸士子黃庭頂禮魏夫人

衡山諸君子禱祠
於黃庭觀魏君處

寄懷崔玉堦太史

重修棗陽縣志

卷之十

詩

老去才華動世難何人說項滿長安黃金莫買相如賦白髮
休彈貢禹冠一壑笠簔眠牛背半船書畫老漁竿江湖廊廟
雲泥隔諒入虛懷總一觀

舟發衡山別五竺

異國天涯若比鄰於中離合想前因空將補石裁雲手悶對
焚琴煮鶴人破笠空囊同見誚驚風密雨益傷神知君更有
嗣宗淚莫洒窮途賤鬻身

舟泊衡山喜濟川學博見訪畱飲餞別

鴈飛曾不到衡陽何幸良朋對一方江上逢人同好月尊前

空明快未通黃葉才飛紅樹出丹崖欲盡白雲封迴看夾道
長松路鐵幹霜皮已化龍

壬午榜後

糟粕從人拾唾餘名分甲乙時難居驪龍珠去惟鱗爪博浪
椎空只副車歌舞漫傷年老大衾禡只怨命孤虛拚將老死
殘篇內祇恐前身是蠹魚

中原逐鹿滿金戈慚愧空言設制科遇拙敢云臣尙少時艱
可信命如何青樓粉黛年空悞白首英雄氣自磨東去帝鄉
白水在吾將長嘯老煙波

重修棗陽縣志

卷之十

詩

三

舟過沙洋李胤先攜琴及僧訪予舟次畱飲

停舟問字已堪憑那計聞聲識未曾岸濶沙平帆匆匆林高
木落鳥層層琴書有約頻呼酒雲水無心只愛僧同踏深寒
江上去星星漁火一灣燈

蔡陽館

歌館人傳白水邊夕陽一片草芊芊關山滿目知非舊只有
詩篇說浩然

驕驕橋

橋以驕驕舊得名相傳橋在棘陽城霜蹠不見惟豐草六沫

仰天何處

哀嚴羽宜

嚴羽宜名繩光以選貢任九江司理轉湖西道僉事
施設未竟遽遭鼎革旋里後有向平五岳之志辛丑
冬邂逅衡陽告予往禮南嶽握手欷歔如不欲別未
幾卒於阿弟廣文署中詩文老友無有如君者矣

同是臨川拔雄心未肯降

予與羽宜皆臨川管勛登師所拔士

朱顏爭第一白

壁媿成雙冢第稱三戶節推拜九江爰乘青翰舫竟擁碧油

幢羽宜曾監軍

破賊頻傳檄懸軍每渡杠匡山雲夾路蠡水月開

重修棗陽縣志

卷之十

三

窗一洒鼎湖慟長挑永夜缸餘情工嘯詠晚節重鄉邦歌館
如歸孟鹿門未隱龐溯洄春草夢汗漫水雲艘菽向高堂奉
鐘聞古寺居近白水寺擬白秋風辭壘燕落月吹門虻旅櫬歸千里
孤懷憤一腔乾坤同破絮歲月等奔瀧鸚鵡洲邊蛻羽宜卒於漢陽
驪驢橋畔椿章陵豐草內白水咽淙淙

哀牛虎溪

牛公虎溪諱九宿以選貢守昌平解組歸遭壬午之
變賊大舉圍棗陽公登陴督鄉兵血戰城破死之無
後天歎人歎

籍籍才名盛縱橫
擅一時天心騁驥足
世態如娥眉毀譽來
原眾恩仇報亦癡

虎溪居鄉所弛人多非之者

羊腸九折早雞肘
一麾遲

異績神京近清心
聖主知艱難才去國
慷慨忽登陴血戰孤
城破分飛絕艷悲
元方空有弟伯道
竟無兒散佚篇章盡
凋殘池館移空梁
飛紫燕斷柳轉黃鸝
萬卷知何付百身贖
是誰山陽吹笛罷
淒絕有餘悲

以上皆續蟬吟

國朝詩

署中草廬

邑令柯登

春陵署中有隙地構小廬三楹以竹爲椽上覆新茅

重修棗陽縣志

卷之十

詩

西

庭前雜樹數枝青翠欲滴室中一榻一几公餘獨坐
翛然幽遠不減築室深山也詩以紀之

亦欲構華軒重念力役苦旬日遂成廬短牆聊築土竹枝密
作椽大者編作戶覆茅敵寒風經雨隨時補自喜冰署中幽
曠同村塢夙昔無俗情冥坐遊皇古披吟足賞心草木靜爲
伍小鳥啄簷前林煙光欲吐積翠疑山深絲桐靜可撫高臥
夕陰涼我友懷巢父多謝機心人擾擾奚足取

寄懷唐石虎明經

春陵舊遊處憶爾出羣才最喜論文數時能載酒來地深玉

粲井天遠楚王臺他日飛騰去無令老鬢催

賦餞錢建安民瞻

建安之東武夷山武夷層巒有九曲幔亭玉女峰插天飛濤
噴雪漾波淥中有仙人駕白鸞霞裾雲茵待高躅喜君鳧舄
奏五絃泠泠琴聲響崖谷憶昔子尊李建州志慕臯蘇式敬
獄淑問猶鑄黃華巔甘棠畱咏去思篤予因隨侍曾登臨愛
彼風光秀朝旭萬家煙火含鼓休士秀農龐書善俗聞從革
代變滄桑兵荒重困膺斯酷哀鴻甫集急撫綏隨車幸沛甘
霖沃擬君德度飲醇醪潔守四知如執玉扶殘起瘠民所懷

重修棗陽縣志

卷之十 詩

五

扇被仁風羣沐浴化洽菁莪桃李滋兩歧流頌春犁足鉏暴
應張破柱威察見覆盆明洞燭異日芳名書御屏中牟異政
史臣錄爲我寄語武夷君詳紀徽猷予尊續莫譚笙鶴沸丹
梯翩翩仙吏同金粟嗚呼仙吏真翩翩庶幾不爲山靈辱

過白水

宜興 陳維崧

中原形勝望蒼茫天與名藩控畫疆金甌牙幢雄宛葉珠旗
鐵甲走襄陽時來將相丹青在運去關河殿閣荒極目雲臺
總蕭瑟茂陵何獨怨劉郎

胡烈婦歌

邑令 甘定遇

良人遣戍罪莫贖烈婦遇人嗟不淑天涯跋涉自甘心窮途
何更罹虎毒婦人俠烈勝丈夫割刀虎腹虎齧鯨劫之以威
虎失威以德化之應亦足吁嗟乎不聞渡河聞啞人試問當
年誰作救

春陵懷古

漢代龍興事已過春陵尙剩舊關河青山到處淹行騎白水
無端促逝波岑馬英雄成寂寞鬱葱佳氣鎮銷磨搖鞭西去
隆中近風土猶傳抱膝歌

羔兒橋

重修棗陽縣志

卷之十

詩

六

橋在北關外黃龍岡下傳昔有人經此橋下忽現二
羊大者南去尾之入水化石還視小羊哀號不已亦
化石因名羔兒望母橋南五里白羊堰亦以此名

從來萬類感精誠誠至無端變化生昔有婦人曾化石望夫
望母一般情

雞籠寺

邑令 劉嗣煦

驅車問俗歷田疇小憩層寮曲徑幽方信溪山閒處得還驚
樓閣望中收銜蘆鴈過低紅樹秉耒人歸趁碧流誰似山僧
棲靜寂一朝殊勝幾春秋

初至棗陽登魁星閣遠眺

教諭熊天章

高閣凌秋漢重岡列繡幃地連嵩嶽峻星仰翼躔輝造士
皇風永崇儒令德巍巍闡瞻眺久斜日下林扉

章陵懷古

往代曾經肅盛儀禮隆禋祀擁星旗寢園赫奕焚丹冊父老
歡呼引玉卮勝蹟時移青簡在豐碑春老斷文遺誰能望古
窮探討著屐擔簦不肯辭

羔兒橋

黃龍岡下石橋橫望母羔羊變化成此事莫疑傳說幻由來

重修棗陽縣志

卷之十

詩

七

跪乳是真情

魁星閣

艾自馨

閣舊在黌宮之側規制狹小邑侯閔中劉公改建於
泮池之東凌雲聳翠輝映重霄所以啟文明開甲第
者皆於是舉基之矣敬聯同人爲俚詞以誌

高並層雲列嶂迴清光入望洞然開四郊已誦中牟異十日
頻沾河朔杯泮水芹香隨書永楓廷丹詔戴星來欣瞻棨戟
騰佳氣信說文章映上台

吳虞廷

桂殿龍櫺變海桑
芹宮茂草幾荒涼
欣逢仙令扶雲漢
蔚起文光貫斗芒
星閣當年淪舊壤
岑樓此日煥新章
旋看五馬朝天去
臥轍依劉不忍忘

李璉

傑閣崔巍俯化疆
引人詩思入蒼茫
藜光遠趁神仙履
奎耀高懸翰墨莊
天路誰能欣鵲起
雲程今看待鵬翔
鼓鐘聲動芹宮煥
廉俸捐畱惠澤長

李柱

東壁重樓天際懸
文光千丈與雲連
不逢閬苑仙踪賁
焉得重修棗陽縣志

卷之十

詩

六

台星北斗躔春浪
俯看金鯉躍秋風
高仰大鵬懸從茲
藝苑聯翩雋盡是
君侯締造綿

唐亮

高閣臨虛遠近窺
俯臨泮水勝探奇
奎光掩映瓊枝秀
春色敷榮玉樹垂
拱北依然開氣象
圖南無復敢委蛇
膠庠爭願栽培厚
蔚起斯文已在茲

田耜傳

棟隆翼翼比金臺
市駿於今幸有媒
輪奐美堪儲國士
棖題斲正備羣材
人從色笑瞻明德
星自雲霄覲上台
好借錦屏

添翠麗映茲八面曉窗開

李其丹

載道歡聲誦十奇校書天祿應昌期德星高並台星耀文露
濡沾武露垂鏡裏芙蓉都換色門前桃李又生姿爭看佳氣
鬱葱地永戴人經世世師

白水村

湯右曾

風俗東都記文章西鄂存赤符千歲歷白水數家村銅馬知
何帝蒼龍尙有孫原陵蕭瑟久里社薦盤飧

濯纓亭

陳浩

重修襄陽縣志

卷之十

詩

五

翠微深處一茆亭俯瞰滄浪徹底清漁父自歌還自和不勞
過客濯塵纓

過馬鞍山

黎嘉惠

茆屋雞鳴夢不畱馬鞍山下霧初收重關古道千峯峻翳日
連雲萬木稠虎豹巉巖牽客袂笙簧鳥語間溪流揮鞭未覺
行程晚一抹斜陽度驛樓

隨陽店宿陳氏宅卽事

邑令 徐芳桂

土屋風迴靜霜階月到明停驂尋舊館下榻有陳生酒涑傾
匏勺燈花落瓦檠論文吾不厭今夕路旁情

邑侯徐老夫子重建春陵書院落成恭賦七律以紀

陳登堂

洪爐長抱鑄顏心，迴挽頽波一臂任。
海上靈鰲先仗餌，月中仙桂久成陰。
風含夜鐸簷鳴玉，日弄晴波硯散金。
欲遣州人師趙德，不嫌毛髮雪霜侵。

夕陽館

何處尋歌館，斜陽煙景稀。
林昏新月挂，臺古暮鴉歸。
城郭迷青靄，川原澹翠微。
探風尋勝蹟，佳韻少傳衣。

奉送徐攀士明府

袁性端

重修棗陽縣志

卷之十

詩

十

巖邑凋殘數十年，作人雅化繼師川。
春風入座噓多士，甘雨隨車戴二天。
身伴鶴琴鳴素節，詩成珠玉煥華箋。
桐鄉幾許攀轅淚，寤寐長依馬帳前。

過光武故里

遂甯 張問陶 船山

白水遺龍種，春陵鬱帝基。
南陽新將相，司隸舊威儀。
大樹悲荒宅，神鴉澹古祠。
英雄攀附地下，馬拜殘碑。

謁漢光武祠

蒲圻 張開東

西漢王綱委南都，佳氣開炎光。
綿歲月，白水動風雷。
寶鼎雙龍象，戎衣一草萊。
真人乘景運，列宿降雄才。
蕩滌妖氛盡，扶

持天地廻皇基經咫尺帝廟見崔巍黻冕丹青在冠裳左右
陪淵源餘澤潤瞻拜獨徘徊

棗陽夜行至草店口占

棗陽夜發氣蕭疎草店行來霜未除自愛空山生寂靜一輪
明月一輪車

鄂城喜晤棗陽唐史兩君子及隨州高果亭訂遊白水

洪山之約

客度隨陽二十春尋幽猶自隔風塵他年白水洪山約今夕
相逢是主人

重修棗陽縣志

卷之十

詩

三

資山道中

襄陽令署縣事 竇欲峻

一村香稻一層山幾處人家傍水灣水曲山幽真太古桃源
猶似在人間

曉行棗陽道中

懷甯 馬駿

煙寺一鐘破行行客擔簷寒聲征路鐸殘火市樓燈霜重鴉
僵樹河凝鷺踏冰重岡忘跋涉置驛有陳登

夕陽館用壁間原韻

錢振邦

好句傳千古陽春和者稀江山畱客住花鳥勸人歸市接樓
臺近城連燈火微揮鞭早投宿莫使露沾衣

夏日登地藏閣

飛甍突兀倚層空，盛夏登臨爽氣通。
杯色侵涼山欲雨，花香滿戶樹生風。
樓臺聳峙低殘照，城郭迢遙帶晚虹。
共說春陵多勝蹟，探幽初地幾人同。

集據勝樓

錢經邦

高捲冰簾百尺樓，人驚笑語出雲頭。
窗垂霞綺勾陳近，杯落蟾光曲檻秋。
灰劫蒼茫人代速，土花斑駁石碑留。
休將弔古縈心緒，且作糟邱汗漫遊。

光武帝故里

錢淳

重修棗陽縣志

卷之十 詩

三

何處鬱葱佳氣浮，千秋勝蹟信難留。
村煙遙幕青山暮，錦浪層翻白水流。
霞蔚雲蒸豪傑窟，龍飛虎嘯帝王州。
數椽今復嗟寥落地，以人傳成古邱。

畱別棗陽諸生

邑令陳德潤

重來白水憶牽裾，屈指韶華四載餘。
載道懽聲慚去後，臨歧感泣戀交初。
三年報政知無補，午夜焚香信不如。
稔看秋風騰健翮，莫將尺素吝雙魚。

過瓦子岡

蘆陂堰畔柳含霜，八萬山頭日色黃。
行盡重岡九十九，棗陽

西去是襄陽

皇村懷古 在白水村北

邑令 鹿啟烈

茅舍低煙亂石傍
行人指點說皇莊
中興事業昭前史
一代山河剩此鄉
古刹梵聲仍白水
荒祠鴉影自斜陽
當年望氣稱葱鬱
感慨銷沈古戰場

石橋曲

重過石橋游石橋
好春色沽酒石橋南
看花石橋北裂縑
作短札寄與石橋水
入海自有時慎母中道止

春陵懷古

雲夢 蔡作桂

重修棗陽縣志

卷之十 詩

三

角逐英雄苦戰爭
春陵聚義業垂成
河山久已歸周索
父老依然拱漢京
井底有謀空草率
關中無命漫縱橫
憑誰掃卻煙塵道
八萬山高端靄盈

江南江北總堪愁
百萬雄兵據上游
半壁君臣忘遠畧
一家父子許同仇
安民喜見流亡集
禦敵欣逢綜理周
孟氏有才真出眾
何如文煥在襄州

春陵城

冷道遺封在地
更名不更龍飛興
漢日佳氣滿重城

蔡陽館

我愛孟襄陽歸思正耿耿城荒不見人夕陽淡秋影

松子亭

亭外落松子亭前繞碧澗求魚魚不得何處覓彈琴魚名

青山

朝向青山行暮向青山宿入山復出山人唱大隄曲

清潭

隋縣也其水四時常綠色如鸚鵡

野秀成荆榛浮雲變今古惟餘水北流深杯泛鸚鵡

春陵懷古

雲夢 馮炳時

春陵遙望鬱葱葱故里猶存漢帝宮文叔平生原謹厚昆陽

重修棗陽縣志

卷之十 詩

古

一戰見英雄投戈講藝資神畧閉境息兵保大功三十三年

勲業林天畱近屬王蠶叢

送人赴 棗陽石橋

雲夢 郝師直

洪山桑梓地白水帝王鄉此去石橋路關河百里長重看山

雪處應及嶺梅香莫漫遲征騎春隄草正芳

遊石虎山咏仙人牀

應城 呂庭栩

撥盡人間萬種愁真仙夢與白雲遊戲堆怪石支牀脚笑借

飛花作枕頭慨爾蜉蝣臨赤壁依然蝴蝶化莊周醉眠甲子

都忘卻笑問滄桑曾變不

標渺危峰上插天遊遊誰復挾飛仙石牀清冷初眠月玉几
橫陳暗抱煙蝙蝠洞中藏日月蝦蟇更裏換山川蘧蘧一覺
纔伸臂化鶴還鄉又幾年

白水村

隨州羅世才

白水村前白水流西風瑟瑟逼清秋漢家陵寢今何在空見
沙隄起白鷗
羣雄掃盡故鄉過豐沛南陽較若何諸母故人前置酒不曾
學唱大風歌

自唐縣鎮至紅花鋪口占

隨州儲嘉珩

重修棗陽縣志

卷之十

詩

三

唐河東渡日西斜暮宿荒村賣酒家醉過隨陽三十里桃林
一路到紅花

過太平鎮

太平關外路茫茫唐子山頭別楚疆此去洛陽多舊友天涯
猶得比同鄉

棗陽道中

隨州郝謙

匹馬行將暮崎嶇路正長野雲吞落日客思轉蒼茫風土今
巖邑關河古帝鄉哀鴻看載道時歲頻饑安輯賴龔黃

再過春陵有感

隨州高銓

百年世事總浮沈
眼底興衰感客心
曾記巷門多服馬
誰憐燕子半巢林
上游烽火連川陝
野戍星河動古今
舊日親交寥落甚
那堪獨此對春深

光斗山懷古

漢興戎馬滿郊原
光斗山高駐錦軒
率土終歸赤帝子
德星正耀紫微垣
備嘗險阻亭前飯
大度包容枕上痕
從此英雄襄聖業
青年鄧禹謁軍門

春陵暮春感懷

隨州高鈞

山連遠翠接鴻濛
古寺烟雲萬壑通
一片花飛人境外
幾家重修棗陽縣志

卷之十 詩

美

村落雨聲中
頭顱漸改名
心淡壘塊難消
酒力窮回首
春陵春又暮
憑欄無語望遙空

春陵望大洪山

隨州高揆

奇峰插天勢嶙峋
飛泉挂壁出龍津
蒼茫雲樹望難真
我欲攀之願及春
卻望茲山憶山下
山足東隅吾之舍
我行久別日思鄉
陟岵陟屺更陟岡
瞻望弗及我心傷
此身常隔春陵道
此心常在洪山陽
吁嗟乎男兒志四方

三月三日同張鴻漸遊八萬山

隨州高福滂

自余客春陵
林壑恣遊豫
言望八萬山
東南獨雄踞
遠岫鬱

青蒼重岡亘迴互登臨夙有癖俯仰神馳驚張子素心人宛
在比鄰寓良辰會相邀爲我導先路著屐從所適涉日自成
趣春輝媚餘景雜花生野樹惠風和且柔好鳥鳴不住陰靄
淡濕衣流翠欲沾屨昔聞赤帝子甲兵此屯駐陳迹久已湮
遺壘杳何處感古愴幽懷耽勝遲行步忽聽午鐘鳴古寺林
間露滿徑苔衣凝一縷香煙度靜境絕塵囂久坐澄心慮山
僧知敬客慇懃羅饌具高談興轉豪樂飲不知暮下山陽已
微新月一鈎吐

經白水村

重修棗陽縣志

卷之十

詩

七

策馬春陵道經行白水村秋風生老樹落日淡荒原帝里名
猶著真人廟僅存園林湮已久誰與薦蘋蘩

登棗陽城樓

七年書劍此淹留望遠頻登百尺樓天際山連隨郵出城邊
水接漢襄流風搖紅樹曛殘照露冷黃花送晚秋作客那堪
逢歲暮憑欄頓起故園愁

送陳龍巖少府之棗陽

武進

湯貽汾

九十九岡頭勞人萬古愁怪君行作吏澹蕩似聞鷗野史亭
前月春風江上舟自來詩筆健尋勝好勾留

棗陽道中

滁州石如岡

八萬山前野草荒一肩行李共奚囊自憐裘敝黃金盡暮雨
西風過棗陽

宜秋聚

寺莊古名

唐縣李傳鄴

小市荒涼落葉重一鞭獨上夕陽峯白雲渚畔淘新月紅樹
山前送暮鐘漢室興兵晨破釜金人傳檄夜騰烽欲尋野老
談軼事石上莓苔沒舊蹤

寺莊晚眺

唐縣孫慙

小市枕山頭蒼茫一望收寒風淒草木落日下羊牛地憶漢
重修棗陽縣志

卷之十

詩

天

兵過天連楚水流興亡無限意過眼白雲浮

晚次棗陽縣

唐縣孫蘭

南入安昌路崇岡起道周霸山立馬看瀝水抱城流萬井炊
煙夕一林落木秋停車覽形勝斜月淡譙樓

湖河鎮卽事

新野王謙

荒關也自戍兵戎跨蓼連隨盡漢東溪水終朝搖碧柳寒山
十里醉丹楓千家煙火存唐俗一市喧囂雜楚風何事遊民
頻聚嘯砦前霹靂夜鳴弓

畱別棗陽友人

襄陽汪照
拔貢

昔聞佳氣鬱蒼蒼一騎征鞭赴棗陽古廟蕭條傳白水
中興事業付黃梁年荒頗覺人情厚歲暮都教旅况忘
適館授餐均好我臨池誰敢比鍾王

畱別陳翊思司馬

江夏程保極

余司鐸棗陽之三年辛亥夏陰雨連綿

文廟大成殿梁圯邑前令楊公石麟謀修未果壬子秋山左
陳公翊思由鄖縣調任斯邑兩月後倡議重修紳民
景從收貲數萬緡令余同廩生寅載元採木於漢陽
將行爲賦排律三十韻以誌盛舉

重修棗陽縣志

卷之十 詩

三

北海英賢萃元龍意氣豪簪纓綿舊澤黍雨沛新膏允矣圭
璋品居然砥礪操桂曾探月窟鐸欲振雲璈蛾術師傳座鱣
堂比擁臯三年膺擢薦百里試翔翱奎斗纔移柄荆襄待奏
刀化行麋子國畧蓄范公韜白水揚颿至鄖山臥轍囂下車
時幾許作鑑識周遭法立人知感刑平政不撓頓教雞犬靜
立止虎狼饕有意栽桃李先宜剪艾蒿楚材原可用晉盜又
焉逃鋤暴非陵下尊師卽育髦膠庠憐棟折展謁益心忉倡
義分清俸刻期延士曹和風春有腳妙語頰添毫指臂均堪
使星霜敢計勞試看泉幣集好助室堂高典守余慚任追隨

首屢搔爲求江渚木遠泛漢陽舸旣荷交情重還承異數叨
珍饈壯行李言語勝醇醪花落庭無訟工鳴鼓聽馨居諸遲
道路修阻念波濤共仰斯文燦還期一世陶猛寬冬夏日忠
信澗溪毛酒並椒盤獻燈從雪夜挑投箋頻鄭重大雅主風
騷

南歸畱別

秀水周閑

余友皖城陳龍巖官楚北蔡陽尉相邀至署越半載
辛亥秋山左陳翊思先生由鄖鄉調任斯邑勞心撫
字除暴懲奸更能以猛濟寬數月後風化肅然乃與

重修棗陽縣志

卷之十

詩

三

龍巖及邑中諸君子參訂邑乘余亦時承緒論歲小
春余將歸越畱賦五古一章以誌知遇

使君神明胄鍾此海岳姿經術映齊魯門閥儕臯夔壯歲登
桂榜公車京國馳名姓驚座隅文章光鼎彝騏驥奮絕足神
魚揚其鬣誰謂大厦材僅試小鮮膈頻年遠出宰爲政多宏
規琴鳴單父室塵滿萊蕪鎔卽今鄖西東遺愛在口碑章陵
漢舊郡其北臨邊陲惟彼楚門戶此乃其辰屨人民厥惟錯
豫晉路分歧受質旣非淳俗復與古滴往往修睚眦而爲盜
賊騎所以百里間強悍稱難治今年七八月孀孀雙旌移下

車甫旬日已聞歌來遲秋高鷹隼出狐兔皆披離醜穢歛已
殄一一安瘡痍譬如事簸揚糠粃必去之譬如竭農力蔓草
在所夷閭閻日以靖來往路不遺何煩三年成治可徵一碁
兩載客斯邑頻見良有司遂使旅人夢安枕無驚危况承盱
衡外上客數見推高宴屢厠座劇談時下帷心清比白水道
直同朱絲疾惡稟夙性爲善樂不疲乃知大賢異非可恆人
窺我生頗磊落一見辱公知安得車與笠永言成追隨北風
吹客裳慷慨天之涯懷歸感王粲招隱詠左思已理季鷹權
復戀文舉卮倚裝遲不發惜別成新詩願言循吏傳不朽傳
重修棗陽縣志

卷之十 詩

三

來茲不見離亭路落日柯公祠

白水村懷古

邑人 彭大年

白水真人去不歸空山猶自憶龍飛千重峻嶺朝丹闕一帶
喬松護紫微麥穗昔占天子瑞月華近接漢宮輝漫云萬里
君門遠過客時時覲衮衣

皇村懷古次邑侯鹿南溪先生韻

邑人 史仲先 臥雲

雲樹蒼茫古驛旁數椽老屋說皇莊金吾仕宦思前日銅馬
君王感故鄉麥飯殷勤賢北道椒盤巡幸舊南陽而今祠宇
荒涼甚惆悵英雄逐鹿場

烈婦行

章陵六月氣如秋四野雲陰風颼颼煩冤欲訴天飛雨灑向
人間作淚流資山南望簡家林綠樹蒼茫碧玉岑山川秀鍾
深閨女蓮花爲貌玉爲心憶昔閩範憑阿母母慈但祝得佳
耦兩鬢珍珍初長成十六嫁作王家婦兩載恩情樂復樂海
棠開時東風惡連理枝折別死生郎去修文妾命薄從此孤
棲深閉門玉容憔悴泣黃昏花朝綿綿秋月夜傷心難與賦
招魂竟有無情阿兒嫂欲奪柏舟事顛倒妾心原比玉壺清
偷生何如捐生好松柏有心竹有筠是妾前身與後身試看

重修棗陽縣志

卷之十 詩

三

截髮投崖者敢以清風讓古人古人矢死曾書扇妾心祇有
明月見衷腸爲訴月中人淒風吹我魂魄斷拔刃哀呼向天
泣颯颯悲風鳴四壁霜鋒濺血鬼神驚大節克完綱常立採
風使者輜軒到烈婦完貞竹帛耀旌門表里總流芳王霞九學使贈
貞烈流芳額九原有知應含笑吁嗟女兮淑且貞殺身不顧爲成
仁千古倫常稱三絕烈婦孝子與忠臣旌節花斷腸草海枯
石爛蒼天老爲作長歌弔貞魂丹叢淚滴新詩稿

吳家店八詠

邑人 史策先

蒼茫獨立夕陽天一抹晴光古寺連暮靄拖藍堆市口歸雲

擁綠冒山巔濃如渲染風初定澹想空濛雨更妍漫道而今
歇佳氣此中人已絕塵緣

白水寺
晴嵐

梧桐院落動微涼到耳疎鐘出上方遠過行雲過北院頻催

明月上西廊菩提記去人千里關塞驚回鴈一行最是愁中

聽不得一聲聲裏幾迴腸

西古院
晚鐘

晴虹偃臥帶清流姑嫂芳名尚未休幾片石隨風雨換一輪

月仍古今畱寒光隱約窺金鏡纖影依稀挂玉鈎搔首伊人

空惆悵煙鬟猶聳四時秋

姑嫂橋
夜月

山腰一徑石嶙峋蘚幕苔封幾度春峻阪縱橫排雁齒朝暾

重修棗陽縣志

卷之十

詩

三

罨靄暖龍鱗行沽祇少尋芳侶攜屐應多拾翠人莫笑將軍

疑是虎彎弓我亦認難真

門坎石
疊翠

講席橫經事已非荒臺猶自枕斜暉澄看秋水環三面唱聽

農歌徹四圍回想當年懸馬帳難堪此日晒牛衣登臨無限

興衰感付與閒吟帶月歸

祖學臺
夕照

山村何處覓岑家風雪連天望眼奢田畔堆平千頃玉牆頭

壓折一林花披蓑客認街三里沽酒人迷路幾久惟有南枝

梅放早水邊依舊影橫斜

岑家莊
暮雪

飲馬池空夜雨涼遙天一雁落迴塘叫殘邊塞三更月夢醒

蒹葭一夜霜爪跡難尋前度印水雲猶記去年方有人尺素

初緘就欲寄秋心到故鄉飲馬池落鴈

何人笛裏倚高樓侵曉凝眸望遠洲靄靄停雲遲過鴈迢迢

歸客泝新秋鄉音前度聽來是吟卷今朝載得不好擬西窗

燭重剪十千沽酒話離愁滾水河歸帆

白水謁光武帝祠集唐四律

龍池躍龍龍已飛沈佺期暮倚長松獨鶴歸吳融不用登臨更懷

古杜牧况逢寒食欲霑衣韓偓漢家城闕疑天上沈佺期南國山河

舊帝畿劉禹錫何處遙知最惆悵盧綸白雲流水自相依徐寅

重修棗陽縣志卷之十詩

誰送春聲入權歌元稹門前不改舊山河趙嘏客星辭得漢光武

徐寅勲業終歸馬伏波杜甫渭水晴光搖草樹賈曾漢南春色到滹

沱李益娟娟知有西林月劉滄望斷平時翠輦過李商隱

山水空言是故鄉皮日休數聲鐘鼓自微茫張泌愁看地色連空

色司空圖便下襄陽向洛陽杜甫官舍已荒秋草沒劉長卿翠簾初

捲暮山蒼許渾至今南頓諸耆舊溫庭筠猶自千回問漢王沈彬

白水青山空復春杜甫還符白水出真人姚崇榮華不肯人間住

薛逢水木空疑夢裏身宋邕百丈游絲空繞樹盧照鄰數家煙火自

為鄰朱灣傷心不忍問耆舊杜甫何處南陽有近親韓愈

白水寺

庠生 羅夢白

白水村前踏舊蹤山環古寺列西東千重奇峭橫天外萬疊雲煙入眼中昔是漢皇湯沐地今為釋氏梵王宮興衰自古原如此搔首何須問太空

前題

庠生 陳棠

中興事業已千秋廟貌猶瞻漢冕旒列宿滿天王氣盡惟餘白水向西流

春過紫玉山飲千佛寺

何必覓桃源此中真樂地花開萬壑明雨洗千巖翠野鳥不重修棗陽縣志

卷之一 詩

三

驚人山僧堪把臂臨風酌兕觥擾擾誠奚為

仙人牀詩

廩生 呂文錦

若有人兮席地幕天茫然一覺三千年鳥嘯花落喚不醒醒時騎鶴飛上青山巔擲下此牀支雲煙借與子虛先生朝暮眠

中秋登唐子山

牛炳文

憑高一嘯海天秋野草山花映日稠佳氣鬱葱消白水新詞旖旎唱瓊樓參差雁影摩天盡寥落客心待月留萬里清光誰共賞乘風欲向廣寒遊

白水村懷古

歲貢謝兆蘭

新室竊據非其有民急去之脫虎口蟻聚蜂屯紛么膺盜名
字者十八九火德幾灰無復存卯金鼎折等拉朽人心思漢
天運回鴻業仍歸赤龍胄絳衣大冠起草萊白水真人作元
首天戈所指失險夷關西河北持牛酒攀龍附鳳攬英豪投
戈講藝傳檄走一代中興豈偶然力無大小德薄厚君不聞
四七之際火爲主雲臺列宿照萬古又不聞赤劉之九會昌
符當日曾上封禪書

過白水村

庠生劉 幾

重修棗陽縣志

卷之十 詩

美

煙火千家古帝鄉英雄事業已蒼茫荒荒隴阪屯兵地漠漠
中原逐鹿場嶺上雲飛龍去遠村邊樹古鳥來翔惟餘父老
懷恩澤歲歲雞豚祀漢皇

夏日登青峰山

西北多平衍東南美谿山茲峯最突兀矗立青雲端羣山如
拱立羅列而巘岼其陰有習洞石泉聽潺湲吾性嗜山水支
筇屢躋攀足力覺已疲小憩盤石間憑高極瞻矚履險愁
心顏好風從西來飄飄六月寒吹我毛髮動愁絕葛衣單欲
去心夷猶言隨飛鳥還

寺莊懷古

衛瞻淇

落日宜秋聚停鞭問古風幾家連部伍一見得英雄地靜烽
煙息年深壁壘空丹楓林外樹猶似戰旗紅

晚至石佛寺

攜琴尋古寺一徑趁斜暉風遞鐘聲迥雲迷塙影微鳥依高
樹宿僧自亂山歸到此塵心靜相從話息機

習洞

張輝昌 蘊之

古洞名猶記彥威搜奇尋勝欵林扉懸崖灌木濃陰合繞磴
攀蘿陡徑危浩浩流泉潛地入雙雙蝙蝠避人飛何勞半廢

重修襄陽縣志

卷之十 詩

三

誇宣武漢晉春秋意最微

送邑侯鹿南溪先生調任漢南

虞生 史雲衢 鶴菴

雷封五載政維新滿縣花栽都是春白水長流恩澤遠清時
欲挽古風淳首繁何幸迎黃霸僻邑無緣借寇恂臥轍難畱
隨父老踟躕明發望車塵

晚眺

庠生 王振綱

薄暮登陴望秋空木葉飛冥濛千嶂合煙火萬家圍樹杪寒
鴉集菘畦老圃歸尋吟意無限徙倚送斜暉

白水村懷古

史樹楠

遺廟依然漢冕旒中興事業已千秋雙歧麥穗占靈瑞一帶
松陰問故邱白水寒煙空外見春陵佳氣望中收羣雄角逐
醒塵夢山自青青水自流

春陵懷古

江夏童 梅春巖

昔我讀漢史稽古深探討新室託謬謙火德幾灰槁絳衣而
大冠奮勇亦天造鐵脛悉奔亡銅馬盡摧倒天威震北方帝
業開南劄功成歸故鄉雞豚宴父老令我訪遺踪來自春陵
道事往風亦微山水依然好聊抒望古懷敢曰摘華藻

頌邑侯陳公翊思德政有引

職員陳尚達

重修長陽縣志

卷之七 詩

三

尚達少壯時趼弛自放不殫心制舉業又嘗讀班史
慕張丞相湯起自刀筆吏民雖弗思而垂廩後嗣簪
綬不絕尚達何人焉敢薄而不爲於是去而爲吏郎
蒙各 前任邑侯相賞于一知半解之外自媿才識
窳陋莫由圖效且耽此杯中物不少間因退老賦閒
時一寄情吟韻茲

公來尹是邑託在

併懷祇悉善政善教播傳不泯者不揣冒昧效輿人之
誦勉成四言三十韻藉抒愛戴更所希仰者適當

重修邑乘倘荷不遺細流收采藝文之未得附

青雲以傳雖老就溝壑無遺願矣

穎川清望魯國名家伯氏接武黃閣宣麻仲也崢嶸腹便五
車杏壇溯源蕊榜升華秉鐸益都篋視絳紗風化士林雨潤
簷花遷橋楚水緩縮青緇五栽鄖鄉澤沾邇遐興廢舉墜靡
遺靡差 璽書榮畀懋賞特加棘闈比士選玉披沙福星移
照卧轍難遮臨莅蔡陽息爭鼠牙除暴安良桴鼓不搗維新
聖城切雲爛霞書院試院無虞傾袞 文昌有宮城邑有衙
以崇以墉工料交賒咨尔紳耆紳耆樂嘉網載輻輳鄉鎮闔
重修棗陽縣志 卷之十 詩 三
闈言觀其成歲兩及瓜侯不自功侯不自夸曰勞百姓退而
興嗟民曰否否尔衆無譁我侯至止起我瘵瘵我侯興仁崇
儉黜奢我侯作人駒產窟窟覆之翼之絕勝楞迦藉曰報德
津涘無涯敬縷其畧敢曰浮誇